

Wien, Österreichische Nationalbibliothek (ÖNB), Cod. 706

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

705

P A T R I S T I C I .

706

IV. fol. 141. ob memoratam membranarum jacturam ἀκεφαλως incipit Commentarius in Evangelium Marci, quem olim Hieronymo tributum magno consensu hodie repudiant Eruditi, quorum sententias collegit Oudinus de Scriptt. Eccl. T. I. col. 844. Vallarsius vero illum, ut lectu non indignum T. XI. Opp. Hier. col. 783. representavit. An in Codice nostro Hieronymi nomen praetulerit, dicere non habeo; quae enim super sunt, ab iis Cap. XIV. verbis ordinuntur: — paratur domino passcha. Dominus domus petrus apostolus est, cui dominus domum suam credidit, ut sit una fides sub uno pastore. &c. Textus Evangelistae non integer nobis insertus est, ut apud Vallarsium, qua in re is chartae parcere poterat. Variat etiam lectio. Ita Noster pecunie amore madefactus melius pro affectus, item frangitur in panibus pro in passionibus, item nec sitis extinguitur pro nec sitim extinguit, item non omnes emundat pro emundat. At vero corrupte Noster et ἀλογως: Ubi felicior est, sacrificium non emundat pro Sunt enim in ecclesia quos sacrificium nullum emundat. Finis, ut in Editis: et Luca concordans enarrat. Verum hederam subnexuit Librarius noster han̄c: Hunc libellum breuiter comprehensum qui imitando per scrutatus fuerit. regna ei patebunt eterna. Lege ergo. et imitare affectus.

CCCXXX.

Codex membraneus lat. Sec. R. 3067 XII. Folior. 148. f. per duas columnas a prima manu perbelle scriptus, sed deinceps subpletus et emendatus, rubricis distinctus, et olim Monasterii Cist. S. Mariæ in poumgartenberge complectitur S. Augustini Sermones de Verbis Domini, five in loca Matthaei, Lucae et Johannis praecedente Capitulari. Ordo, quo procedunt, Vetus ille est, quem Mauriani in Vestibulo Tomi V. representarunt; itaque et illi etiamdum immixti sunt, quos maturior Crisis deinceps in Appendicem ejusdem Tomi reposuit. Paullo difficultius mihi fuit Sermonem nobis XIII. fol. 32. deprehendere, quod Mauriani ejus principium mutavere. Cum enim nobis ineat: Cum sandum euangelium legeretur, audiimus nauiculam periclitantem &c. maluerunt illi Codicibus optimæ, ut ajunt, notæ adduēti ordiri: Audivimus et quodammodo vidimus in lectione præsenti navicellam periclitantem &c. et sic Sermonem ad col. 131. Append. allegare, quem, cum ipsi prævie fateantur, in suis illis Codicibus Eraclii nomen præferre, non video, cur non alteri Eraclii Sermoni Augustinianis genuinis col. 1523. continuo subdito potius adjunixerint. Sermonibus his de Verbis Domini additus est postremus Sermo S. Augustini de scripturis ueteribus ac nouis contra arrianos, qui incipit: Sancta et diuina eloquia fratres iugiter &c. Commune id

Wien, Österreichische Nationalbibliothek (ÖNB), Cod. 706

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

707

C O D I C E S

708

esse veteribus Codicibus notant *Mauriani*, qui tamen post alios illum inter dubios retulere T. V. col. 1485. Textum nostrum secundis curis revisum fuisse, jam in principio dixi.

Praetensum illi est Folium Necrologii a V. kal. Aug. ad Idus mera referens Monachorum Nomina, nisi quod ad IV. kal. legatur *Stephanus parisiensis episcopus*. Obiit hic hujus nominis I. verisimilius anno 1143. ut habes *Galliae christi*. T. VII. col. 64. de die vero Documenta ibi relata non concordant. Necrologium Eccl. Pa-

r. adsignat II. Non. Maji, Epitaphium renovatum III. kal. Aug. Obituarium vero S. Victoris nobiscum facit pro IV. kal. Aug. Quid vero, dices, *Cisterciensibus Austriacis* cum Episcopo Parisono? Expende Monachorum defunctorum Nomina, et plurima deprehendes in *Galliis* olim usurpata, unde statues, Necrologium istud non in *Monte Pomario Austriae* scriptum, sed peregre inde adlatum, unde totus Ordo Cisterc. ad nos propagatus est.

Ad calcem Codicis Librarius:

*Perscripsi librum dictis euangeliorum
Quorum uirtute constat mundo uia uite.*

Alia manus: *Nota, quod frater iohannes recepi me hic in paumgartenperge illo tempore quando Tatarij dicebantur esse venturi Anno Domini MCCLXX (suspicio tertium X. erasum) V. Reipsa secun-*

da illorum in *Polonię* irruptio contigit a. 1287. His accedit e. iud. Sec. manu pia ad Angelum tutelarem Precatio, et variae Gnomae v. g.

*Non est in mundo Dives, qui dicat: Abundo.
Si possent Homines mundum sibi perpetuare,
Tunc Homo perpetuo mundum deberet amare.*

Demum Donatio: *Notum sit omnibus fidelibus christianis, quod quidam homo membertus nomine delegauit super altare S. iacobi pomgartenberce quandam mulierem nomine mahetildam ad censem V. denariorum. Vlsalcus. quem testem puto.*

CCCXXXI.

Codex membraneus lat. Sec. R. 6. XII. Folior. 156. f. eleganter exaratus, minioque distinctus S. Augustini sequentia complectitur: I. *Incipiunt sermones in Sancto Mattheo evangelista. Praeit Elenchus Sermonum XXIII. quem collatum cum Edit. Maur. T. V. hic exhibeo:*

Sermo